

Ո Ր Ո Շ ՈՒ Մ թիվ 27
վարչական տույժ նշանակելու մասին

«10» մարտի 2022թ.

ք. Սիսիան

Ես՝ Հայաստանի Հանրապետության Պետական եկամուտների կոմիտեի Հարավային մաքսատուն-վարչության պետի ԺԹՊ Արտաշես Ղամբարյանս, քննելով Իրանի Իսլամական Հանրապետության քաղաքացի Սոլեիման Ռահմանիի (անձնագիրը՝ H53416048) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2021 թվականի դեկտեմբերի 22-ին ՀՀ ՊԵԿ Հարավային մաքսատուն-վարչության աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանող քաղաքացի Սոլեիման Ռահմանիի կողմից շահագործվող «RENAULT» մակնիշի, 51AA750 պետհամարանիշի բեռնատար տրանսպորտային միջոցը, ինչի արդյունքում վարորդի խցիկից՝ վարորդի նստատեղի կողքի նստատեղի տակից, վարորդի անձնական իրերի միջից բեռնախցիկում գտնվող ուղղանկյուն խողովակների միջից ապրանքների հայտնաբերումը դժվարացնող հանգամանքներում հայտնաբերվել է թվով ընդհանուր 445 տուփ /հատ/ ծխախոտ, որից 96 տուփը /հատը/ COBRA գրառմամբ, 249 տուփը /հատը/ BOND, 100 տուփը /հատ/ VEES ապրանքանիշի ծխախոտներ:

Փաստի առթիվ վարորդ ԻԻՀ քաղաքացի Սոլեիման Ռահմանի նկատմամբ ՀՀ մաքսային օրենսգրքի 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ իրավախախտման անմիջական օբյեկտ համարվող վերոնշյալ ապրանքներն ի պահ է հանձնվել Մեղրիի մաքսային կետ-բաժնի մաքսային հսկողության տարածքում:

Վարչական վարույթի շրջանակներում թիվ Ն/23.1/5404-2022 գրությամբ Հոսսեին Մոհամադդի Բախշալիպուրի կողմից թաքցված վիճակում ՀՀ-ից արտահանվող ծխախոտն ուղարկվել է փորձաքննության, որի կատարումն հիմք ընդունելով ՀՀ պետական եկամուտների կոմիտեի և ՀՀ Արդարադատության նախարարության «Փորձագիտական կենտրոն» պետական ոչ առևտրային կազմակերպության միջև առկա պայմանագիրը հանձնարարվել է «Փորձագիտական կենտրոն» ՊՈԱԿ-ին:

Վարչական վարույթի շրջանակներում թիվ 72 մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու վերոնշյալ ապրանքի մաքսային արժեքի, վճարման ենթակա մաքսային վճարների չափը և սակագնային առանձնաշնորհումների կիրառման վերաբերյալ հարցերը:

ՀՀ ՊԵԿ Հարավային մաքսատուն-վարչության 82 մտից համարի տեղեկանքի համաձայն՝ 2021 թվականի դեկտեմբերի 22-ի դրությամբ «բացթողում ներքին ապառման համար» մաքսային ընթացակարգով հայտարարագրելու դեպքում 445 տուփ /հատ/ ծխախոտ, որից 96 տուփը /հատը/ COBRA գրառմամբ, 249 տուփը /հատը/ BOND, 100 տուփը /հատ/ VEES ապրանքանիշի ծխախոտների մաքսային արժեքը կկազմի 195000 ՀՀ դրամ:

ԵՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս,

որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Քաղաքացի Սուլեիման Ռահմանիի սահմանահատումների պատմությունը ստանալու նպատակով հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն համաձայն որի քաղաքացի Սուլեիման Ռահմանիին 08.03.2022 թվականին ժամը 20:59-ին Մեղրիի մաքսային կետ-բաժնով անցել է ԻԻՀ:

Քաղաքացի Սուլեիման Ռահմանին 2022 թվականի մարտի 10-ին հրավիրվել է ՀՀ ՊԵԿ Հարավային մաքսատուն-վարչություն՝ իր նկատմամբ ՀՀ մաքսային օրենսգրքի 201-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի առանց իր մասնակցության, սակայն վերջինս պատշաճ ծանուցված լինելով հանդերձ չի ներկայացել:

Այսպիսով, նյութերով պարզվել է, որ 2021 թվականի դեկտեմբերի 22-ին քաղաքացի Սուլեիման Ռահմանիի մաքսային հսկողությունից թաքցնելով՝ իր կողմից շահագործվող «RENAULT» մակնիշի, 51AA750 պետհամարանիշի բեռնատար տրանսպորտային միջոցը,

ինչի արդյունքում վարորդի խցիկից՝ վարորդի նստատեղի կողքի նստատեղի տակից, վարորդի անձնական իրերի միջից բեռնախցիկում գտնվող ուղղանկյուն խողովակների միջից, ՀՀ մաքսային սահմանով տեղափոխել է ընդհանուր՝ 195000 ՀՀ դրամ մաքսային արժեքով ապրանք, այսինքն՝ քաղաքացի Սուլեիման Ռահմանը թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, ՊԵԿ Մաքսանենգության դեմ պայքարի վարչության 22.12.2021թվականի մաքսային զննման ակտով, Հարավային մաքսատուն-վարչության թիվ 82 մտից համարի տեղեկանքով: Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ, 206-րդ, 219-րդ, 221-րդ և 224-րդ հոդվածներով,

Ո Ր Ո Շ Ե Ց Ի՝

1. Սուլեիման Ռահմանին (հասցե՝ ԻԻՀ, ք. Զուլֆա, գ. Փահնեվար, անձնագիր՝ H53416048) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված վերոնշյալ ապրանքի մաքսային արժեքի չափով՝ 195000 ՀՀ դրամի չափով:

2. Վերցված ապրանքները կարող են վերադարձվել մաքսային ձևակերպումները կատարելուց, տուգանքի վճարումից, մաքսային վճարների և պարտավորությունների կատարումից հետո՝ մեկ աշխատանքային օրվա ընթացքում:

3. ԵՏՄ մաքսային օրենսգրքի 98-րդ հոդվածի 4-րդ մասի համաձայն՝ որոշումն ուժի մեջ մտնելու օրվան հաջորդ օրվանից ոչ ուշ, քան 10 օրացուցային օրվա ընթացքում վերցված ապրանքները պետք է հանձնվեն ժամանակավոր պահպանման:

4. Որոշման մասին հայտնել քաղաքացի Սուլեիման Ռահմանիին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. **900005024055՝ 195000**
ՀՀ դրամ, նշել 30 կողը:

ՀԱՐԱՎԱՅԻՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏԻ ԺԹՊ

ԱՐՏԱՇԵՍ ՂԱՄԲԱՐՅԱՆ